

張文獻公集卷之八

讓起復中書侍郎同平章事表

并御批

草出臣言伏奉去年十一月十四日制復臣中書侍郎同平章事者外沮公望內奪私情餘生力微哀怖殞絕臣誠哀誠懼死罪死罪臣伏以宰相所職贊理庶事陶冶太和以遂萬物苟非所任有受其殃臣實單人本無大用况在艱疾觸緒哀迷矧以素所不堪加之荒塞而軍國事重翼亮誠難臣獨何人謬居此地退省所有負敗將及唯願感恩匍匐祗命其如塵玷聖鑑污辱台衡於國非急於禮虛廢臣比年限後

多闕晨昏疚疢之際遽乖救藥凶諱之日遠隔追奉
而星霜未周魁冕載道是以庭闈音絕几進今阻凡
曰名教實所深哀伏惟眷情有以求錫况質言非讓
悲歎不文祈天之心惟聖所體實真哀素有次表紀
獲終俯鑒荒迷乞遂情禮臣無任感絕哀迫之至謹
詣朝堂奉表陳乞以聞臣誠哀誠懼頓首死罪死罪謹
言開元二十二年正月二十七日草土臣張九齡上
表

御批

卿去歲禮闈擢受樞密實關政本將倚爲相頃來升

用是會宿心雖屬家艱已踰年序不有至孝誰能盡
忠若墨緣之義不行蒼生之望安在謂此情難奪豈
成命可移比日行在佇卿促轡今既至止無勞固辭
朕以非常用賢曷云常禮哀訴即宜斷表今日便上
進千秋節金鏡錄表

臣九齡言伏見千秋節日王公已下悉以金寶鏡進
獻誠貴尚之尤也臣愚以謂明鏡所以鑑形者也有
妍蚩則見之於外徃事所以鑑心者也有善惡則省
之於內故皇帝鏡銘云以鏡自照之形容以六自照
見吉凶又古人云前事之不遠後事之元龜元龜亦

猶鏡也伏惟開元神武皇帝陛下聖德之至動與天
合本已全於道體固不假於事鑑然覆載廣大無所
不包聖道冲虛有來皆應臣敢緣此義謹於生辰節
上事鑑十章分爲五卷名曰千秋金鏡錄雖聞見褊
淺所擇不深至於區區效愚其庶乎萬一不勝悃款
之至謹言

荊州謝上表

臣九齡言伏奉四月十四日制授臣荊州大都督府
長史聞命皇怖魂膽飛越即日戒路星夜奔馳屬小
道所使多驛馬先少以今月八日至州禮上誠惶誠

恐頓首頓首死罪死罪臣不即飲氣取死豈敢輒情
餘命伏念心無黨惡死則似同以此偷生猶希聖察
臣往年按察嶺表便道赴使訪聞周子諒久經推覆
逢即奏充判官尋屬臣改官使亦有替其後信安郡
王禧奏將朔方驅使便請授官臣以其嶺外勤勞因
而奏乞事不敢隱未止涉私然進用非人誠宜得罪
但臣特蒙拔擢出自宸衷陛下所用隱微惟臣而已
伏思報效竊恃聖恩每於事端無所防避智誠雖淺
罄竭則深微誠區區我有所在豈復與此私協以負
累聖鑒臣雖至頑至愚不至於此皇天后土照臣血

誠夙夜頌寃欲辨無路臣聞物有窮者必訴於昊天
人有痛者必呼於父母臣今孤苦不乞哀於聖君豈
蒙惡聲遂銜寃以沒代臣受性愚鈍闇於知人稟命
忤剝與此凶會誠令自死以謝天威所以側息苟存
者臣爲聖朝所用既極榮寵而一朝至此恐玷明時
在臣微生有若螻蟻身名俱滅誠不足言今覺咎則
然思禮猶重面目有覩夙夜唯憂戴盆望天豈期上
達又未敢宣布聖澤少咎殊私跼跼兢皇動失次第
無任荷懼兢悚之至謹附河西經略判官所部朝
即法曹參軍蘇銳奉表陳謝以聞臣誠惶誠恐

頓首死罪死罪謹言

賀赦表

臣言伏奉今月八日制恩春郊展禮惟新布澤臣聞
古之五政雖在方冊將崇舊典必俟聖君伏惟開元
神武皇帝陛下德合天明道高帝載以爲春者發生
之氣氣者會育之奉事乃重於歲始禮故親於東郊
振紀代之綱作名王之法布澤行慶昭德順時以合
陰陽之和以乘天地之正凡在品彙莫不昭蘇臣待
罪荆南亦濫承恩賜臣無任欣慶戰荷之至謹因所
部送來玉俸料官當陽縣主簿陳琇奉表陳賀以聞

臣歡歡誠喜頓首頓首死罪死罪謹言

慶冊皇太子表

臣言伏奉今月二日制冊立皇太子者伏以皇太子
天資生得眷哲夙備爰以音辰光膺盛典伏惟開元
神武皇帝陛下建儲固本體天合聖萬方之心永貞
是屬一人之慶大賚斯在臣待罪荆南不獲稱慶闕
庭欣躍之誠實百常品無任悚踊慶躍之至謹遣所
部宣義郎行被江縣尉張崇仙奉表陳賀以聞臣誠
歡誠喜頓首頓首死罪死罪謹言

洪州進白鹿表

臣聞聖法天則至理調於元氣天表聖則嘉瑞記乎
群有將以幽贊王澤覺悟生靈知至德之所感如虜
響之必應伏惟開元神武皇帝陛下道孚神化體合
乾行品物所資太和罔不叶圖諫所載殊祥罔不臻
故郡國上言日月相繼臣所部豫章縣某月某日獲
白鹿一休氣所集靈質自呈欲效符祉場爲馴狎臣
謹按瑞應圖云王者明惠及下則白鹿見又按孝經
援神契云王者德至鳥獸則白鹿見蓋鹿者仙壽之
物實爲禎祥之表雖時和歲稔固不假於羽毛而大
意人事誠欲伸於耳目臣不勝感慶之至謹詣其所奉

瑞鹿表進以聞臣誠歡誠喜頓首頓首死罪死罪謹言

為兵部尚書王駿謝平章事表

臣言伏奉本月二十九日制授臣兵部尚書同中書門下三品殊常寵靈妄集疲朽承恩竊喜任重惟憂臣誠歡誠恐伏以虛受之難魯史以量其力滿盈之過夏載陳其招損臣階緣試吏際會登朝遂得入拜尚書比天之喉舌出典方鎮為王之爪牙雖忠烈之誠心知所竭而績用之美歲久無聞今陛下不以不能為光為寵寘之廟堂之上參以軍國之謀實恐鼎

是不任鷦翼為刺退失微臣之守上累陛下之明是以求夕九飛終朝三省泉咨為懼冰炭在懷道雖願於將行位固慙於幸得臣已有別狀其所讓人猶蒙曲私未寢嚴命方欲俯俛恭命對揚休光磨鈇效於一割策蹇同於卜駕臣誠懼塵台席謬齒國華將何以允吞鴻私彌諧大化拜命祇惕罔知所為臣不勝荷懼之至謹奉表謝以聞臣誠惶誠恐謹言

為信安王獻聖真圖表

臣言臣一昨扈從西狩岐陽時以有年事因農隙整六軍之衆脩大田之禮成卒是訓威武載揚屬草淺

獸肥霜清氣殺詔虞人以即鹿命荆州而起為陛下
親御弧矢紆駕林衡曾不合圍取其背者雖有逸群
之狡走險之捷而飛黃騁鑿縈紆如組絲沉縱鎬死
轉若神必命中於前期皆應絃而絕倒其餘變態不
測神妙無窮非臣瞽言所能模狀既而備獻禽之禮
虔薦寢之誠教人以孝自天作則此外效獲卑賦懿
親兼禁羽騎無犯宿麥是行也典禮斯備仁恩允洽
三令唯肅七德以宣魏武何階亦紀功於猛獸周文
差擬將比義於非熊臣忝籍宗枝幸陪鑾輅竊觀神
武冠絕古今以為載之空言不若圖之繪事向所述

聖今皆為真雖天類不遠而丹青莫擬徒極愚思庶
好萬一謹一一陳伏深戰汗臣誠惶誠恐謹言

為何給事進亡父所著書表

臣言臣父某官某乙往歷樞近志勤忠益至於霸王
大略軍國要務事關興替言涉箴規因著十篇名曰
帝圖秘錄將欲獻納纔加撰次尋屬臣私門殃孽風
遺閔凶手澤所存心懼不忍遂未奏御猶在緘滕二
紀及茲遺言將墜誠愚臣不克負荷不揚休烈俾亡
父之蒙聖代莫傳雖忝掖垣若寘氷谷伏惟陛下聽
政中晷觀書乙夜思上皇而合道恨古人於同時而

臣亡父所論君臣之際必欲驗之行事非真垂於空
文誠宜上感宸衷由沒代而匡輔下截秘府因聖君
以發明竟未上聞伏增悲懼臣不勝感惕之至謹繕
寫封進以聞謹言

論教皇太子狀

右臣伏以皇太子是天下之本爲國之貳今則處賢
漸長猶在深宮所與近習者未必皆正人端士安於
逸樂久則性成是以古者明王恐其若此雖在赤子
先以以教必使耆儒碩德爲之師保故大戴禮云周
成王在襁褓之中太公爲之太師教之順也周公爲

之大傅傳其德義召公爲之大保保其身體是故成
王能聖周道用康秦始皇使趙高傳其太子胡亥因
教之以獄所習者非斬劓人則夷人之三族也胡亥
即位秦氏以亡則明人之性情莫不由習若近正人
聞正事雖欲爲惡固已不忍若親近細人不聞教諭
縱欲行善猶未知所適也必然也胡越之少生則聲
同長則語異蓋聲者天然語者所習習於胡則胡習
於越則越故知成於所習不可不慎臣伏願詳擇典
故徵用名賢執經勸學朝夕從事俾皇太子得於所
習天下幸甚謹奉狀以聞謹狀

論內勘別宅婦女事狀

右件婦女事緣卑職縱兩縣檢括有所阿容即願宣付憲司糾摘其罪今便收補入內別加推逐道路有云何急於此若在外勘當慮以相寬其餘法獄豈皆應就內始可以社其請託方益威嚴便是法不肅而吏不懼其弊尤重於別宅者也昔漢丞相府尚不按吏誠以務在尊崇體不可失况天子中禁而有此名丞尉極微所緣至小固不足以塵黷聖聽雖在內曹外議切切未為得所即有聞知不敢不奏謹狀

論東北軍未可輕動狀

右高力士宣奉勅張守珪所進送突厥生口具問知委曲故令劉思賢去者臣等伏以北虜凶狡誠亦難保其心然陛下以恩澤懷柔歲月已久使彼豺武頓改頑暴以事觀察信然不虛何者昨李佺使迴虜亦具云東下中間或言難信至今果如所說即是輸誠於國未有他詐且契丹等翻覆或往或來今其東討雖未稟命在於夷狄亦不可責於常理若因而屠之亦便除患陛下元有聖料以為如此臣等常竊思之固非所及今其來也若契丹等偶勝北虜勢衰因而棄之其其未半野料必取始可決行事若不然而軍

將妄動後緒大隙亦以不信爲國生患莫甚於此臣
伏以在邊諸將苟利一軍便即行之以邀榮賞不思
遠計誠莫大矣今劉思賢往望將降書處分守珪必
爲遠圖其得妄動功納諸將使之聖心縱虜庭聞之
尤彰天澤未審可否謹錄狀奏聞

薛王有疾上憂變容髮請宣付史館并御批
右臣等伏見邠王守禮等表并答制以薛王業有疾
聖情軫慮宿昔之間容髮遂變又尋繹致倦假寢通
神因獲異方頓解危懼誠陛下友愛之至冠於皇王
急難之情達於神道所以諸王陳請願書竹帛然猶

讓此歸美推而不居聖德謙冲固難名於廣大臣等
之志敢忘義於昭宣况臣等近侍軒墀倍百忝品望
以邠王等狀宣付史館謹錄狀奏聞伏聽勅旨

御批

凡曰兄弟豈同他人况有疾疢自成憂迫不辭容髮
致改且喜神心助人雖用靈方猶未痊平碩玄德濟
實懷多慮所請宣示良或未然

薛王夢上損膳請復膳狀并御批

右未幾旬時慘恤相次聖情友愛之至屬此天倫之
戚伏聞寢膳有改乎常臣等下情不安夙夜惶灼伏

願抑損恩命冲用道心以承宗社之重以慰臣庶之望天下幸甚臣等不勝倍迫之情之至謹奉狀以聞死罪謹奏

御批

兄弟之喪人倫所重哀廢飲食禮訓有變雖欲自抑有如此情

請御注道德經及疏施行狀并御批

右臣等伏以至道無名常善救物所以鎮彼澆競登諸福壽而古今殊論穿鑿多門徒廣津梁何階闕伏奉恩勅賜臣等於集賢院與諸學士奉觀御注道

經及疏本天旨玄遠聖義發明詞約而理豐文省而事愜上足以播玄元之至化下足以闡來代之宗門非陛下道極帝先勤宣相業何能迴日月之晷慶鑿乾坤之戶牖使盲者反視聾者聳聽蒙蔽頓祛沉迷有適凡在率土實多慶賚無任忻戴忭躍之至請宣付所司施行

御批

先聖說經激時立教文理一貫悟之不遠後來注解岐路增多既失本真動生疑誤朕恭承餘烈思有發明推按諸家因之詳釋庶童蒙是訓亦委曲其詞慮

有未周故遍示積學竟無損益便請宣行朕之不才
其失言於先帝卿等虛美豈不畏於後生循環此情
未知所適可廣示朝廷有能正朕之失者具為條件
錄姓名以聞當別加重賞

請東北將吏刊石紀功德狀并御批

右吳及契丹屯近邊鄙侵軼是慮式遏成勞臣庶常
情惟欲防禦所謂長策無出此者陛下獨斷宸襟高
奪郡議以為頓兵塞下轉粟邊軍曠日持久役無寧
歲若不因利乘便一舉遂平使遷善者自新為惡者
就戮事若不爾無息戎人且令大兵臨之凶徒必潰

不出此歲當並成擒臣等初奉聖謀高深未測及聞
凱捷歡候不差而兩番遺燠莫不稽顙緣邊戍卒咸
以逐耕卧鼓滅烽誠自此始斯皆陛下睿謀先定神
武非常觀變早於未萌必取預於無象伏以成功不
宰君人所以為量有美不宣臣子所以成罪臣雖蒙
警安敢無言既預聞始謀又幸見成事豈可使天功
虛徃而日用不知竹帛相傳復紀何事請具狀宣付
史館畱示將來仍請將吏等刊石勒頌以紀功德臣
某等不勝區區忭躍之至謹奉狀以聞謹奏

御批

事有難易因圖可否小番背誕惡實已盈人神弃之
指期可滅今之滅定偶會夙心記以史官銘之樂石
頽矜功伐不願爲之伯獻前請朕已不納卿等苦論
戰用多媿使桓山之頌復在茲乎

請御注經內外傳授狀并御批

右臣等今日於九齡處伏見集賢院奉賀御注前件
經墨勅批荅兼九齡說睿思幽贊玄關洞闢微言以
旨廓然昭暢臣等近識暗於大道粗聞九齡此傳便
若已有所得欣戴感悅誠不克任伏惟陛下天縱無
方有來斯應萬殊一貫三教同歸伏望降旨御批

內外傳授則冀明積劫之重昏納群迷於正覺朝聞
夕死尚不足怪願此輕生於焉同幸不勝忪躍之至

御批

此經宗旨先離諸相解說者衆證以真空僧徒固請
欲以弘教心有所得輒復疏之今請頒行慮無所奉

西幸改期請宣付史館狀并御批

右臣今日百奉進止西幸有日般運已去仍聞京畿
百姓猶有未安倘來歲非熟下人無回朕雖至彼復
有何情欲延期至來冬待看穀麥卿等尚度以爲何
似臣等具奏洛陽城闕雖曰皇都至於宮苑之閑制

度本狹然風土氣候不甚宜人陛下以萬姓爲心萬
姓以陛下爲命億兆所繫誠在聖躬若安何顧小小
陛下遂當寧動色再降德音苟利於人朕何顧惜發
言惻隱感動神祇臣等奉聞至言不覺承睫聖恩愛
育遂及於此又勅臣等商量進來者湛恩至德焉可
使朝臣不知聖君鴻名不可令吏官無述臣望宣聖
旨改用來年十月幸西京仍望具將本狀徧示朝列
半宣付史官等臣不勝踴躍之至

御批

初臘三輔之間今歲善熟朕緣陵寢誠欲西行然積

虛累年乍得小稔即又聚食所慮重難倘夏麥下登
未免匱乏百姓不足朕孰與安所以再三疚懷欲去
不忍至於宮苑所樂氣候非宜苟得人安終不以此
爲念卿可宣前旨更俟後期所請遍示朝列及宣付
史館亦屬煩也任卿等自商量

上爲寧王寫一切經請宣付史館狀

并御批

右臣奉勅今日於安國觀行香伏見天恩爲寧王及
故惠宣代國金仙公主共寫一劫道經四本伏以睿
恩友愛情深天屬生成之德無隔存亡利益之資方
弘道要諸經筆繕景福公集禰贊茲日功用有成教

文獻通考卷八
十七
義是先誠所感慶臣無任欣戴之至望宣付史館謹
奉狀以聞謹奏

御批

道由先宗欽承餘慶所祈福力憑以真經歸謹至誠
匪存名教所請者依

賀張待賓奏尅捷狀

右高力士宣示臣等張待賓表臣等前因奏事親承
聖旨懸料數月當有捷書及此使至皆知睿略但狂
胡皆誕圍逼軍州凶力固已困窮邊城一無所賴臣
等伏料此賊早是破傷大衆遠來踰月乃去馬賊則
多死人苦則計生本是烏雜之徒足徵破亡之漸此
皆皇威遠鬪氛侵坐銷豈伊邊人所能自保等語
竊樞近承奉聖謀邊捷有符不勝慶悅謹奉狀陳賀
宣付史館謹奏

御批

仁賊遠來無能支父果自奔北不擾邊人豈朕獨見之
明固在大臣良筭所謂宣付史館者依

賀北庭解圍仍有殺獲狀并御批

右蓋嘉運奏北庭解圍仍有殺獲蘇綠背德敢此雖
天盡驅大羊來犯軍鎮雖肆凶毒欲逞其心而邊兵

無遺鏃之費狂賊有與尸之禍此皆陛下聖武將士
恭行遠必叶謀動無遺策能令氛祲坐自廓清臣等
忝奉密謀屢承獻捷踴躍稱慶倍百恒情謹奉狀陳
賀以聞謹奏

御批

醜虜遠方我之有待奔亡相次天實誅之鎮撫四夷
故有賢相權宜一策何獨朕躬所賀知

賀奚契丹並自離貳廓清有期狀

右適高力士宣示臣等張守珪奏契丹及奚並自離
貳兼安祿山復有殺獲賊數將盡觸緒猜携遄鎮勤

兵伺隙而動誅剪有日廓清可期此皆天威遠臨遠
逃自滅臣等不勝慶躍之至

御批

比未窮巢穴有慎往兵果自猜携人神所弃斬獲鏖
俎遙可圖之所賀知

賀誅奚賊可突于狀并御批

右高力士宣示張守珪所上逆賊契丹屈烈兼可突
于等首級此等惡稔喪敗將及故天誘其衷隨勝又
貳而感義之士惡其翻覆背恩之賊既已誅鏖出陣
廓清華夷俱靜計其餘噍末無動搖陛下邊任

聖謀獨斷克稟成命樹此戎功且知河朔無轉輸之勞林胡為賦稅之地臣等忝在樞近預聞遠績獲者之至喜倍恒情謹奉狀陳賀以聞謹奏

御批

用兵之上者脩政於廟堂折衝千里之外此之謂也小寇遁降復為翻動邊軍除剪有國常形朕方事籍田而今獻捷當鑄劔戟以為農器悉也

賀破突厥狀并御批

右張守珪表奏突厥四萬騎前月二十五日至能訖離山契丹涅禮等前後斬獲俘馘數十萬突厥可汗

亡矣主李歸國及平盧軍將等追尋於... 在於一舉又兩番與其結隙交構未深在於邊隅... 大算陛下料其終始指授規模知其舉種盡衆... 自無策勢師襲遠必合成擒使蕃騎先鋒漢軍堅... 坐觀成敗自戰蠻夷今契丹纔交突厥已破計其... 奔北必至喪亡脫身獲全亦舉衆皆奔北虜震懼從... 此氣衰東胡保邊永不携貳寬備罷耕自此可期斯... 皆聖德遠覃皇威遐振事無遺策舉不失圖臣忝跡... 樞近親承層略忭躍之至稽首恒情謹奏狀陳賀以

聞謹奏

御批

爾蕃歸我因用御邊北虜狂欲有親率何則馳騎之騎突厥頗強弓矢之功契丹稱勁彼強也歷遠已弊此勁也襲進而推勢自不敵况違天意廟堂良策亭障持威故合而有成豈朕之獨斷所賀知

賀東北累捷狀并御批

右今日劉恩賢至奉宣聖旨諭示臣等破賊所由兼見守廷表奏具承契丹累捷伏以聖武所加制勝者無失天威不抗犯順者自亡突厥負衆皆思窮

一戰便尅已聞殺傷無算慟哭而奔則知主將必死且蠻夷相伐我則不勞壇場有虞義亦矣失固知無愆信於漠北有大造於燕鄴此實獨斷神謀事皆有預萬全之策未嘗邊隅薄伐之師匪勞中夏九在黎庶孰不欣躍臣等夙預樞近怡百恒情無任慶悅之至

御批

東歸兩蕃不孤舍育北制強虜且知威信自相攻伐稍警邊陲屢有奔亡非無逆順朕之早預故亦常圖

今乃歸功得無尙體

賀休聖料赤山北無賊及突厥要重人死狀信

安郡王棉承王忠副驚固牒云赤山有賊

右先得前件牒云九月三日奚探見賊無數前坐口

臣等面奉聖旨料此必安祿山所將之兵奚疑是賊

使有此牒也臣等當時又奏突厥舉國大來微有輸

夫便去竊料此意恐其有謀陛下又云必應彼有要

重人死所以即去今日幽州節度判官監察御史張

以至云今月十一日從幽州發來赤山元自無賊奚

所見者正是安祿山下兵馬又云契丹有蕃落人走

來云突厥之兵馬平章事第一人死所以狼狽即去

在路每日於帳衙前哭此並聖心懸照有如目擊臣

等親奉睿筭及此符同萬里無差不勝驚喜無任踴

躍之至仍望宣付史館

御批

朕臨御有年更事多矣天人之際先意後合此亦賊

意可量非朕謀之必中將有可紀任付史館

賀突厥小可汗必是傷死狀

右牛仙童宣勅送前件契丹令問委曲者臣等借問

突厥退散所由其伊吐于被擒將隨五日因夜却走

迴每日實見突厥諸將皆於衙帳前哭及整正面是實據此必是小可汗傷死若其不然不合如此審觀伊吐于情狀亦即不敢妄言必其不虛乃是天敗比其歸至本處固應更有餘殃醜虜破亡必自此始也陛下聖德無遠妖沴自銷不勞師徒已清朔漠臣等獲奉廟 不勝抃躍之至

賀聖料突厥必有亡徵其兆今見狀

右林招隱宣勅示臣等張守珪云契丹婦女屈將從突厥出來知可汗死是實又云黃頭突厥與默啜突厥爭言氣兵馬欲鬪驚軍屈將然得走來者參驗前

後從突厥來者說事多同况此婦人充為誓死既非謬天實誅之且諸蕃之中北虜為桀不待征戰而自取殲夷此誠天助有道坐清妖祲陛下嘗有聖料者知其必有亡徵今云兵馬自爭其兆已見佇聽其敗但只納降亭障息兵將自此始不勝欣慶之至
賀蓋嘉運破賊狀并御批

右高力士宣奉勅示臣等王尚客奏狀知蓋嘉運至突厥施店密城逢賊便鬪多有殺獲且凶黨大衆見在邊城方擬經春圖為邊患勿聞嘉運比入復有破傷必其驚忙當有携散皆是聖略先定萬里懸同尚

客所言合符前旨臣等不勝慶躍之至

御批

方隅難遠乃圖其事不出意外且有殺傷雖復嘯聚
邊城故應知難而退昂臣叅佐何獨朕躬所賀知

賀賊蘇祿遁走狀并御批

右高力士宣勅示臣等曹待仙奏狀知蘇祿遁走入
山出界者四鎮懸遠比彼侵逼將士用命雖有誅鋤
凶徒尚多日有抄掠兵疲矢盡為弊亦深今自奔亡
誠是震懼聖威無遠氣泯坐銷又比庭救兵當時迴
旆不費官廩事且無憂吐蕃縱實西行蘇祿不得相

應其敗可必又無可憂邊等且寧不勝慶慰謹奏狀
陳賀以聞謹奏

御批

朕以信撫遠蕃故當順以歸命去順為惡天何容之
力屈計窮果自奔散卿等料其後事亦以當然所賀
知

賀雪狀并御批

右伏以至德惟勤親耕以勸大禮云畢勞酒加歡聖
感夫從豐年雪應始降澤於千畝將有盈於萬箱臣
等忝陪近侍載深慶躍無任悅豫之至謹奉狀陳賀

文獻通考卷八
十一
十一
以聞謹奏

御批

籍田勸農勞酒成禮此時降雪神人以和是賴台臣
致茲嘉應

賀侍講編賜衣物狀并御批

右高力士宣稱陛下親講讀毛詩編賜侍講陳希烈
三品兼衣物等伏以睿思玄通超然物表俯臨天下
必樹風化既弘儒教考覈詩人爰託師資親紉講讀
章句初畢賞錫有加明主用心孰不欲勸臣等謬承
任遇實愧經通聖業彌深微誠何補方思敦學以助

明時無任悅豫之至

御批

漢家用儒倚以爲相卿等輔佐朕亦論思侍講說時
用符正道既至匡益特加章綬是先敦獎應會謀猷
因斯行諸引進經術也所賀知

賀雨狀并御批

右伏以自春降澤粟麥已滋首夏再旬時雨稍晚陛
下念深萬姓思覃庶獄將有事山川用達精意德音
纔發耳靈滂流此誠聖感必通天應如答臣等忝居
近侍倍百恒情無任抃躍之至謹奉狀陳賀以聞謹

奏

御批

過月不雨農事或僭是用責躬兼令省獄卿即同體
共達乃誠天且不違穀麥皆遂若事關政令動必合
符積又寬抑亦宜踈理宜成朕懷也所賀知

賀雨晴狀并御批

右今月十日高力士宣聖旨以霖雨方滯有害稼穡
之憂將親禱上陽三日內不坐精意朝發而重陰少
霽乃數日已來遂致開朗誰謂天遠其應甚速遂得
麥秋有望蚕事且登則知至人無心與天地合契神

功潛運靈陰陽不測伏惟陛下明德自廣兢兢戰懼
所致休徵必加謙慎天聖相合福致祥華日南不知
年和在此臣等無能翊佐徒忝近密每有久旱霖霖
不暇無任欣戴慶躍之至

御批

雨以救旱忽至秋霖所慮害農彌深罪已明靈特
遂與開成公言前誠至非謂德先時變既登百穀有
亦卿等同體之效

賀雨狀并御批

右畿輔之間秋來少雨農心有軫稼穡惟憂德至于

天慶自嘉節書有神應旋降甘雨使播種之苗有同於再熟已息之望不意於萬人臣有限不獲當特稱慶無任悚躍之至

御批

時愆膏雨至于節日以此之故初無宴私雖遵所請憂樂相半樂通和氣慶亦為陰因茲霽然若以誠應方收晚歲有同再熟與卿同慰也

賀雪狀并御批

右伏以自冬少雪粟麥未滋歲律向終養候方近陛下黎庶在念憂濟常深聖心精誠天意昭感孰云玄

遠不日有應遂得盈尺告祥動植霑洽豐年有望即事可期既表非常之祥實倍不任之喜不勝抃躍之至

御批

歲律方窮久無雨雪頃者信宿落而復收朕用責躬天寶降盜皓然竟少將適霽澤固在卿等寬和所致也

賀祈雨有應狀并御批

右臣一昨而奉恩旨緣秋稼有望特雨暫是僭念及黎元見于顏色方躬自祈請誠勤夙夜上靈昭鑒嘉瑞

必臻昨日申酉之間雲物果應初含五色正覆於壇
場未及終宵更灑於城闕遂使炎埃宿潤雲暑暫清
實冀膚寸之資畢致普天之澤臣等多昧徒仰於成
造蒼生何幸每及於聖社無任欣戴并躍之至仍望
宣付史館

御批

朕每念元元無忘夙夜頃來少雨是用精祈所見徵
祥果成其應豈朕之德天實爲之今則滂沱與鄉等
同慰請付史館者依

賀太陽不虧狀并御批

右今月朔大史奏太陽不虧據諸家曆皆蝕十分已
上仍帶蝕出者今日日出百司瞻仰光景無虧臣伏
以日月之行值交必蝕筭數先定理無推移今朔之
辰應蝕不蝕陛下聞日有變齊戒精誠外寬刑政內
廣仁惠聖德日慎災祥自弭若無表應何謂大明臣
等不勝感慶之至

御批

一昨有司奏太陽當虧孰云交分亦繫休咎朕之薄
德是用責躬應蝕不蝕且符至願昔漢家日蝕之變
則舉賢良招直諫蓋思補過以名其咎也曷若勤於

未兆預以圖之招諫登賢以先尺意當與卿等夙夜
爲心所請付史館者依

賀祥雲見狀并御批

右臣等伏見道門威儀司馬秀表稱本月十日夜陛
下親臨同明殿道場爲宗廟蒼生祈福有祥雲見伏
以聖德以精至動天天意以昭靈符聖其感甚速其
應豈遠陛下聖敬之深勤恤所至虛心如谷神道何
言自表休期以介景福生人大賴天下幸甚臣等忝
居近侍義有相情謹奉狀陳賀以聞

御批

朕欽籍玄風緬懷道力上資宗廟下浸元元俾在潛
通乃至昭觀愧畏相屬曷用當之願記史臣以彰降
鑒豈朕所宜讓也所請者依

賀麥登狀并御批

右今日高力士宣示臣等皇太子表以嘉麥有成陛
下躬執勞事率先兆庶皇太子已下繼美聖功臣聞
勤於稼穡必有來麩之慶著在春秋則非他穀之比
伏惟陛下致敬宗廟爲念黎元春郊順時則千畝在
御禁園測候則萬寓皆豐况云立訓天人降尊農務
上靈昭德已聞瑞日增輝當暑不疾則有祥雲自覆

是彰敦本之化式旌造物之功人誦在茲天意可鑒
且禹之盡力堯實用心史策美談帝王爲範未有休
徵神應若斯之盛者也以今況古千載未聞請付史
官天下幸甚臣等叨榮近侍倍百恒情無任感戴抃
躍之至

御批

朕親耕千畝卿等佐之謂之勤農期於盡力故園苑
種麥別殿築場訓于勸人因之表奏染盛薦寢是契
夙心雲日告休易致昭感欲書諸史策卿實史官任
斟酌事宜耳

賀進古銅器表

右伏見衢州所進瑞魚銘等神物瓌奇形製純古魚
爲龍象既彰受命之元銘作乂文更表錫年之永河
圖傳事無以加之臣叶贊休明屢承福應忝惟拜慶
倍百恒情伏望宣付史官傳之不朽無任喜躍之至

張文獻公集卷之八